



Broj: 16-34-11983-7/18
Zenica, 28.05.2018. godine

Na osnovu člana 21. Zakona o namještenicima u organima državne službe („Službene novine FBiH“, broj:49/05 i Pravilnika o unutrašnjoj organizaciji, načinu rada i sistematizaciji radnih mjesta Kantonalne uprave civilne zaštite broj: 16-34-16138-1/11 od 30.01.2013. godine, direktor Kantonalne uprave civilne zaštite Zeničko-dobojskog kantona, raspisuje:

INTERNI OGLAS
za popunu radnog mjesta namještenika u Kantonalnoj upravi civilne zaštite
Zeničko-dobojskog kantona

Popuna se vrši na neodređeno vrijeme za radno mjesto:

- „Viši referent za prikupljanje, sistematizaciju i distribuciju podataka - (operativac u Operativnom centru civilne zaštite), (**1 namještenik**).“

OPIS POSLOVA:

Vrši poslove koji se odnose na prijem, obradu, distribuciju i otpremu redovnih i vanrednih izvještaja, informacija i drugih podataka od značaja za zaštitu i spašavanje; priprema i izrađuje redovne i vanredne izvještaje o stanju na teritoriji Kantona i u skladu sa propisanim uputstvom dostavlja Federalnom operativnom centru i ovlaštenim licima i organima Kantona i općina; evidentira primljene podatke u vidu službene zabilješke i pohranjuje ih na magnetnom disku registrofona; radi u smjenama prema utvrđenom rasporedu rada Operativnog centra Kantona; vrši provjeru veza sa Operativnim centrima općina i Federacije BiH i davaocima informacija sa područja Kantona; osigurava stalne i neprekidne veze i protok informacija u svim uvjetima rada Operativnog centra Kantona; izrađuje i ažurira telefonske imenike, preglede i druga dokumenta koja se vode u Operativnom centru; vrši osnovno održavanje opreme i sredstava Operativnog centra; vodi djelovodnik informacija i akata i arhivsku knjigu Operativnog centra Kantona; prikuplja podatke i informacije u skladu sa Listom pitanja za standardizaciju podataka, informacije i izvještaja; po naredbi šefa Operativnog centra daje znake uzbunjivanja; vrši održavanje opreme i sredstava i otklanja manje složenije kvarove na uređajima; odgovoran je za primjenu, provođenje i unapređenje sistema upravljanja kvalitetom prema normi standarda ISO 9001:2015; vrši sve druge poslove koji se odnose na ovo radno mjesto kao i poslove koje odredi Šef operativnog centra, u odnosu na pitanja ovog radnog mjesta.

USLOVI ZA OBAVLJANJE POSLOVA:

Pored opštih uslova predviđenih u članu 24. Zakona o namještenicima u organima državne službe u Federaciji Bosne i Hercegovine (državljanstvo Bosne i Hercegovine, punoljetstvo, zdravstvena sposobnost, odgovarajuća vrsta i stepen školske spreme, da u posljednje dvije godine od dana objavljivanja internog oglasa nije otpušten/a iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini, da nije obuhvaćen odredbom člana IX. 1. Ustava BiH), kandidati trebaju ispunjavati i **posebne uslove** predviđene Pravilnikom o unutrašnjoj organizaciji, načinu rada i sistematizaciji radnih mjesta u Kantonalnoj upravi civilne zaštite broj: 16-34-16138-1/11 od 30.01.2013. godine i to:

Za poziciju: „Višeg referenta za prikupljanje, sistematizaciju i distribuciju podataka - (operativac u Operativnom centru civilne zaštite“:



- SSS, IV - stepen, završena srednja elektrotehnička škola, VKV-električar, gimnazija ili srednja ekonomska škola,
- položen stručni upravni ispit,
- položen ispit za radio-amatera CEPT-1.RAK,
- poznavanje rada na računaru i
- najmanje deset (10) mjeseci radnog staža.

POTREBNI DOKUMENTI:

1. prijava sa nazivom radnog mjesta na koje se kandidat prijavljuje, kraćom biografijom, adresom i kontakt telefonom,
2. diploma ili svjedodžba o završenoj školskoj spremi potrebnoj za radno mjesto na koje se prijavljuje,
3. uvjerenje o državljanstvu (ne starije od 3 mjeseca),
4. izvod iz matične knjige rođenih (sa rokom važenja trajno),
5. uvjerenje o radnom stažu u školskoj spremi potrebnom za radno mjesto,
6. dokaz o položenom stručnom upravnom ispitu za srednju školsku spremu,
7. dokaz o poznavanju rada na računaru,
8. ovjerena izjava da u posljednje dvije godine od dana objavljivanja oglasa nije optužen/a iz organa državne službe kao rezultat disciplinske kazne na bilo kom nivou vlasti u Federaciji, odnosno u Bosni i Hercegovini (ne starije od 3 mjeseca),
9. ovjerena izjava kandidata da nije obuhvaćen odredbom člana IX.1. Ustava BiH (ne starija od 3 mjeseca).

Dokumenti priloženi uz prijavu moraju biti **originali ili ovjerene kopije**.

Kandidati koji budu izabrani su prije donošenja rješenja o zasnivanju radnog odnosa, **obavezni dostaviti** ljekarsko uvjerenje o zdravstvenoj sposobnosti (ne starije od 3 mjeseca).

Oglas ostaje otvoren 10 (deset) dana od dana objavljivanja na Oglasnoj ploči organa uprave počev od 28.05.2018. godine.

Sve prijave sa potrebnom dokumentacijom treba dostaviti na adresu:

Kantonalna uprava civilne zaštite Zeničko-dobojskog kantona,
Zmaja od Bosne bb, 72000 Zenica,


sa naznakom:

**„Interni oglas za popunu radnog mjesta namještenika u Kantonalnoj upravi civilne zaštite
Zeničko-dobojskog kantona“ (ne otvarati).**

Neblagovremene i nepotpune prijave neće se uzeti u razmatranje.

Po potrebi, sa kandidatima čije prijave budu blagovremene i potpune, obaviti će se usmeni intervju i testiranje.

NAPOMENA: U skladu sa odredbom člana 21. Zakona o namještenicima u organima državne službe u Federaciji Bosne i Hercegovine („Službene novine FBiH“, broj:49/05), pravo prijavljivanja na ovaj oglas imaju namještenici iz organa državne službe svih nivoa vlasti u Federaciji.



DIREKTOR

David Alečić, dipl.ing.maš.